

APRIILI 2002

1. AALLAQQAASIUT

Matumuuna Ilulissat Kommunalbestyrelseata "Illoqarfiup ilaanut pilersaarut nr. 12 - Kussangajannguup eqqaani qitiosoqarfiup C-8-p ilaa"-nut siunnersuut saqqummiuppaa. Saqqaani nunap assingani sumiiffia takuuk.

1.1 Illoqarfiup ilaanut pilersaarut suua?

Illoqarfiup ilaanut pilersaarummi Kommunalbestyrelsep immikkoortortap erseqqissarlugu killilerneqarsimasup siunertanut sunut atorneqarnissaanut malittarisassiat aammalu immikkoortortami sanaartukkat, aqqusernit assigisaallu qanoq ilusilersorneqarnissaat aalajangersortarpai.

Pilersaarusiornermut inatsisit najoqqutaralugit illoqarfiup ineriartortinnissaanut pisariaqartitsinermut nunaminertanik illoqarfiup ilaanut pilersaarusiukkanik tamatigut naammattunik Kommunalbestyrelsep qulakkeerinissaminut pisussaaffigaa (Namminersornerullutik Oqartussat Nunaminertamik atuinnissamik pilersaarusiornermillu Nalunaarusiaa nr. 23, 18. november 1992-imeersoq kingusinnerusukkut allannguutit ilanngullugit §13 imm. 4 innersuussutigineqarpoq). Tamatumunnga anguniarneqartoq tassaavoq innuttaasunut, pisorta qarfinnut soqutiginnittunullu allanut kommunep pilersaarusiornernanut ilisimasaqarnissamik aammalu sunniuteqarnissamik periarfissiinissaq.

Illoqarfiup ilaanut pilersaarut atuutilertinnagu Kommunalbestyrelsep illoqarfiup ilaanut pilersaarummut siunnersuut minnerpaamik sapaatit akunnerini arfinilinni tamanut saqqummiusimassavaa. Innuttaasut, pisorta qarfiit soqutiginnittullu allat piffissap taassuma iluani pilersaarummut siunnersuummut oqaaseqaatinik allannguutissatullu siunnersuutini nassiussisinnaapput.

Tamanut saqqummiussiffiup naanerata kingorna Kommunalbestyrelsep pilersaarutit siunnersuutip naggataarutaasumik akuersissutiginninnerani oqaaseqaatit aamma allannguutissatut siunnersuutit takkussimasut nalilerumaarpai.

Illoqarfiup ilaanut pilersaarut immikkoortunik marlunnik imaqarpoq: nassuiaatit aamma malittarisassat allattorsimaffii.

- *Nassuiaatini* ilaatigut illoqarfiup ilaanut pilersaarutit siunertai aammalu immikkoortortami pilersaarusiornernut allanut attaveqarneri, kiisalu pilersaarummut inatsisitigut sunniutit nassuiarneqarput.
- *Malittarisassat allattorsimaffiani* immikkoortortap siunissami atorneqarnissaanut sanaartorfigineqarnissaanullu malittarisassat atuuttunngortussat aalajangersaaffigineqarput.

1.2 Illoqarfiup ilaanut pilersaarutit tamanut saqqummiunneqarnera

Illoqarfiup ilaanut pilersaarut nr. 12-imut siunnersuut Kommunalbestyrelsemit xx.xx.2002-mi akuersissutigineqarpoq, siunnersuullu tamanut saqqummiunneqarpoq piffissap matuma iluani:

23.06.2003-mit 08.08.2003-mut.

Pilersaarummut siunnersuut piffissap taassuma iluani Ilulissani kommunep allaffiani, nunaqarfinni allaffinni aammalu atuakkanik atorniartarfimmi misissuataarneqarsinnaanngorlugu tamanut saqqummiunneqarpoq.

Piffissap taassuma iluani pilersaarutit siunnersuummut oqaaseqaatinik nassitsisoqarsinnaavoq. Taakku kingusinnerpaamik 08.08.2003-mi uunga nassiunneqassapput:

**ILULISSAT KOMMUNE
TEKNIKKIMUT, AVATANGIISUNUT & INUUTISSARSIUTINUT ALLATTOQARFIK
POSTBOKS 520
3952 ILULISSAT**

Tamatuma kingorna pilersaarummut siunnersuutip naggataarutaasumik akuersissutiginneranut atatillugu Kommunalbestyrelsep oqaaseqaatit takkussimasut isummerfigiumaarpai.



2. NASSUIAAT

2.1 Illoqarfiup ilaanut pilersaarutip tunuliaqutaa aamma siunertaa

Tunuliaqut. Illoqarfiup ilaanut pilesaarummut (IIP-mut) siunnersuutip tunuliaqutaa tassaavoq Ilulissat Kommuneata illoqarfiup nutarsarneratigut aammalu illunik pisoqaanerusunik aamma naleqqukkunnaartunik piiaanikkut illoqarfiup avatangiisaanik aammalu illoqarfiup isikkuanik pitsanngorsaaniarnermini suliniutai. Taamaaliornikkut illoqarfiup ilaani qitiusuni pisoqaanerusunilu illut ilusaannik pitsanngorsaasoqarsinnaavoq aammalu iluliarmiunut aammalu takornariartitsinikkut inuutissarsiuteqarfimmut suli pingaaruteqariartuinnartumut iluaqutaasussamik illoqarfiup isikkua torernerullunilu inuummarinnerusup anguniarnissaanut periarfissaqalissaaq.

Siunertaq. Taamaalilluni IIP-p siunertaraa illoqarfiup ilaanik eqqarsaatigilluakkamik nutarsaallunilu eqikkaarinissamut pilersaarusiukkamik tungavigisassamik pissarsiaqarnissaaq. Ingerlatsivinnik nutaanik ilanngussinikkut immikkoortortaq allanngortinneqassaaq illoqarfinngussalluni inuummarissoq alutornartorlu, tamaani najugaqarfii inuutissarsiuteqarfillu nammaqatigiisillugit akulerunneqassallutik.

Immikkoortortaq kommunep pilersaarutaani qitiusoqarfimmi siunertanut atorneqartussaavoq, immikkoortortamilu inuutissarsiuteqarfiit nutaat tassaassallutik nioqqutissanik ataasiakkaanik tuniniaaffiit, sullissiveqarfiit aammalu allatigut inunnut tunitviviniakkanut sammititaasunik inuutissarsiuteqarfiit, mingutsitsisuunngitsut allatigulluunniit avatangiisinut akornusiinngitsut. Tassalu illoqarfiup ilaanut pilersaarutip immikkoortortaani inuutissarsiorfiit Inatsisartut avatangiisit illersornissaannik peqqussutaat nr. 12, 22. december 1988-imeersup, kingusinnerusukkut Inatsisartut peqqussutaat nr. 7, 13. maj 1993-imeersukkut allanngortinneqartup kapitalianit 5-imit ilaasut tamaani inissinneqarsinnaanngillat.

Najugaqarfissiat nutaat pingaernerutillugit kollegiatut aammalu utoqqaat illuisut sanaartorneqassapput, taakkunani atugassanut ataatsimoorussanut qanittuuneq, soorlu niuertarfinnut aammalu timersornermut periarfissat pingaaruteqarluinnartuuvog. Ukioqatigiikkuutaanut taakkununga annertoorsuarnik najugaqarfissiorneq pinnagu inuusuttunut utoqqarnullu illut assigiinngiaat akulerunnerisigut illoqarfiup avatangiisaani illut taakku ataqatigiisinnissaannut agguataarnissaannullu periarfissiillunilu immikkoortortap assigiinngiaartutut isikkoqartississaaq.

Kiisalu immikkoortortami angallannikkut isumannaarinerup pitsanngorsarnissaanut malittarisassanik aalajangiussinissamik IIP siunertaqarpoq. Ilaatigut Kussangajannguup Aaron Mathiesenip Aqqusernanut attaveqarfianik naleqqersaanikkut. Ilaatigullu IIP-p immikkoortortaa aqqusaarlugu Kussangajannguaq sanimut sanilerisillugu pisinnaat aqquserniornikkut, taamaalillutik pisinnaat Kussangajannguaq pinnagu tamaanaqqussinnaalissallutik. Tamakku saniatigut immikkoortortami biilinit inissiivinnik amerlanerusunik inissiinissamut periarfissat aalajangersaavigneqassapput.

2.2 Illoqarfiup ilaanut pilersaarutip immikkoortortaa aamma sanaartornissamut periarfissat




Fig. 1 – Immikkoortortap kujataanit avannaq-kimmut isikkivia. Qeqertarsuup Tunuanut isikkivik malugiuk.




Fig. 2 - Immikkoortortap kujataanit avannaq-kangimut isikkivia. Ullumikkut B-457 piarneqaqqavoq.



Fig. 3 –Immikkoortortap qeqqa, B-371-ip aamma B-248-p akornanni, kitaatungaaniit kangiatungaanut isikkivia.




Fig. 4 – Immikkoortortap avannaatungaa, B-337-imit kitaatungaaniit kangiatungaanut isikkivia.



Fig. 5 – Immikkoortortap avannaatungarpiaa, Kussangajannguamit isikkivia.



Fig. 6 – Immikkoortortap avannaatungarpiaa, Fredericiap Aqqutaani isikkivia.

Immikkoortortaq. IIP-p immikkoortortaa illoqarfiup qeqqani inissisimavoq illoqarfimmi qitusoqarfinnut pingaarnerpaanut marlunnut pisariunngitsumik qanissuseqarluni: avannaatungaani immikkoortortaq kommunep allaffiata, KNI-p pisiniarfiata, pisiniarfeqarfiup, neriniartarfiup, aningaaseriviup il.il., aammalu kujammut kulturip inersuata, timersortarfiup, KNI-p pisiniarfiata il.il. inissisimaffiannut. Kitaatungaanut immikkoortortaq katersugasiviup eqqaani nunaminertap sanaartorfigeqqusaanngitsup eriagineqartumut, kangerlummot isikkiveqarluartumut killeqarfeqarpoq. Taamaalilluni immikkoortortaq inissisimaffimmigut kajungernartuuvoq.

Taamaattorli immikkoortortaq matuukkanik kussinniugaanngilaq, Kussangajannguamili pingaarnerutitatut ledningit pilersuiffiit inissisimammata pisariunngitsumik kussinermut matuukkamut imermullu attaveqarfeqarpoq. Aammattaarlu kommunep pilersaarutaani sanaartukkat nutaat pisortat imermut aamma imikumut ledningeqarfiinut attavilerneqarnissaat aalajangiunneqarsimavoq.

Immikkoortortami sanaartukkat ammasuupput tassaanerullutik sanaartukkat pisoqaanerusut ataatsimik aamma 1,5-inik qaleriillit.

Pilersaarummi anguniagarisat. Pingaarnerutitatut kissaatigineqarpoq IIP-p immikkortortaata najugaqarfinnik aamma inuutissarsiteqarfinni akulerussivittut isikkuanik attassiinnarlunilu sanaartueqqinnissaq. Immikkoortortap avannaani aamma kujataani nunaminertani qitusoqarfinni marlunni inissaqassuseq siunissami qitusoqarfimmi ingerlatsiviusussanut aammalu qitusoqarfimmi ingerlatsivioreersut allineqarnissaannut naammattuusut isigineqarmata IIP-p immikkoortortaani qitusoqarfimmi siunertaannanut atugassatut nunaminertanik iniminniisoqarnissaanik pisariaqartitsisoqanngilaq.




Fig. 7 - Piiaagassatut siunnersuutit

Immikkoortortaq eqimattanngortitsivittut aalajangiussaavoq, immikkoortortami atuinerup annertussusaata allineqarnissaanut periarfissaqarluarnera nalilerneqarmat. Tassunga atatillugu nutaanik ingerlatsivinnik aammalu, soorlu taaneqareersutut, sanaartukkanik, quiniq assigisaannillu naleqqukkunnaartunik piiaanikkut immikkoortortaq inuummarissarneqarsinnaavoq.

Tassunga ilanngullugu IIP-p imermut aammalu kussinermut matuukkamut attaveqarfinnik sanaartornissamik attaviliinermullu, kiisalu ingerlatsivinnut ataatsimoorussanut allanut, soorlu biilinnut inissiivinnut, aqqusinernut attaviliiffinnut, nunaminertanut ataatsimoorussanut il.il. sanaartornermut aningaasaleeqataanissamut pisusaanissamut piumasaqaatit aalajangiiffigai.

Piiaaneq. IIP-p nutaanik sanaartornissamut periarfissiivoq, taamaattorli ilai sioqqutsilluni piiaasimanermik tunngaveqassallutik. Tassaallutik:

- B-491, ilaqutariit ataatsit illuat, nammineq pigisaa, 1964-imi sanaaq,
- B-240, ilaqutariit ataatsit illuat, nammineq pigisaa, 1948-mi sanaaq,
- B-467, ilaqutariit ataatsit illuat, kommunep pigisaa, 1964-imi sanaaq,
- B-516, ilaqutariit ataatsit illuat, nammineq pigisaa, 1953-imi sanaaq,
- B-457, barakki, kommunep pigisaa, 1956-imi sanaaq (maannakkut piagaareersoq),
- B-210, illu immersakkamut atugaq, kommunep pigisaa,
- B-337, illu toqqorsivik, nammineq pigisaa, 1957-imi sanaaq,
- B-428, illu mersortarfik, nammineq pigisaa, 1928-mi sanaaq, aamma
- B-449, barakki, kommunep pigisaa, 1956-imi sanaaq.

2.3 Illoqarfiup ilaanut pilersaarutip pilersaarusiornernut allanut attuumassuteqarnera

Kommunep pilersaarutaanut ilassut. IIP-p immikkoortortaanippoq kommunep pilersaarutaata immikkoortortata ilaa C-8, ataatsimoorussassatut siunertanut qitiusoqarfimmilu ingerlatsivinnut atugassanut inniminnigaasoq. Saqqaani nunap assingani sumiiffik takuuk. IIP-p immikkoortortaa sanimut titartarlugu erseqqissarneqarpoq.

IIP kommunep pilersaarutaani immikkoortortap atorneqarnissaanut pingaarnerutititut malittarisassiai najoqqutaralugit suliarineqarpoq.

Illoqarfiup ilaanut pilersaarutit siusinnerusukkut suliat. Immikkoortortaq "Illoqarfiup ilaanut pilersaarut A-13"-imut aggusti 1987-imeersumut ilaavoq. Taanna atugaajunnaareerpoq pilersaarutip immikkoortortap annersaa illunut ataqtigiaanut inniminniiffigimmagu. Taamaattumik "Illoqarfiup ilaanut pilersaarut A-13" atorunnaarsinneqassaaq matuminngalu "Illoqarfiup ilaanut pilersaarut nr. 12"-imit taarserneqassalluni.

2.4 Illoqarfiup ilaanut pilersaarutip inatsisitigut sunniutai

Illoqarfiup ilaanut pilersaarut immikkoortortap erseqqinnerusumik killilersukkap siunissami atorneqarnissaanik naleqqersuisuuvoq. Illoqarfiup ilaanut pilersaarummut siunnersuutip tamanit oqallisigineqarnissaa isumannaarniarlugu *inatsisitigut sunniutaagallartutut* taaneqartut aalajangersaavigineqarsimapput. Illoqarfiup ilaanut pilersaarut naggataarutaasumik akuersissutigineqartillugu *inatsisitigut sunniutit atuuttunngortussat* atorneqalersarput.

- *Inatsisitigut sunniutaagallartut.* Illoqarfiup ilaanut pilersaarummut siunnersuutip immikkoortortaata killeqarfiata iluani sulianik, imaluunniit illoqarfiup ilaanut pilersaarutip atuutilersussap imaanik siusinaarilluni atuisunik, innuttaasut pilersaarusiornermut sunniuteqarnissaanik ajornakusoortitsisunik aallartitsisoqagqusaanngilaq. Oqaaseqaateqarsinnaatitaaffiup naanerata kingorna pissutsit immikkut ittut atugaarnerini sulianik, illoqarfiup ilaanut pilersaarummut siunnersuutip malittarisassaanik unioqqutitsinngitsunik akuersissuteqartoqarsinnaavoq. Inatsisinut naapertuuttumik suliarisat ingerlatiinnarneqarsinnaapput.

- *Inatsisitigut sunniutit atuuttunngortussat.* Illoqarfiup ilaanut pilersaarutip naggataarutaasumik akuerisaasup immikkoortortaata killeqarfiata iluani sulianik, illoqarfiup ilaanut pilersaarutip malittarisassaanik unioqqutitsisunik aallartitsisoqagqusaanngilaq. Pissutsit immikkut ittut atugaarnerini maleruagassanut assignngissutsit pingaaruteqannginnerusut akuersissutigineqarsinnaapput. Maleruagassanut assignngissutsit annertunernut nutaamik illoqarfiup ilaanut pilersaarusiortoqartariaqarpoq. Inatsisinut naapertuuttumik suliarisat ingerlatiinnarneqarsinnaapput.

3. ILLOQARFIUP ILAANUT PILERSAARUTIP MALITTARISASSAI

Nunaminertamik atuinissamik aamma pilersaarusiornermik Namminersornerullutik Oqartussat Nalunaarutaa nr. 23, 18. november 1992-imeersoq, kingusinnerusukut allannguutai ilanngullugit najoqqutaralugu matumuuna immikkoortortamut illoqarfiup ilaanut pilersaarummi sammineqartumut malittarisassat makku aalajangiunneqarput:

§1. Illoqarfiup ilaanut pilersaarutip siunertai

1.1. "Illoqarfiup ilaanut pilersaarut nr. 12" -ip siunertaraa makku piviusunngortissallugit:

- illoqarfiup ilaanut pilersaarutip immikkoortortaata assigiinngiiaartumik najugaqarfissanik aamma inuutissarsiutinut sanaartuiffiusutut illoqarfiup ilaatut inuummarissutut aamma kajungerineqartutut ineriartortinnissaanut pilersaarusiornikkut tunngavissaq,
- immikkoortortap eqimattanngortinnissaanut malittarisassat, nutaanik sanaartugassanik aamma piiagassanik periarfissanik tikkuussissutit aqqutigalugit,
- illoqarfiup ilaanut pilersaarutip immikkoortortaa aqqusaarlugu nutaamik pisuinnaaq aqqusinniorfissamik aalajangiinikkut aammalu aqqusernit naapiffiatigut Kussangajannguup/Aaron Mathiesenp Aqqusernata/Fredericiap Aqqutaata nutaamik ilusilerneratigut angallannikkut isumannaallisaanerup pitsanngorsarnissaanut malittarisassat,
- immikkoortortami biilinit inissiivissatut nunaminertanik ilusilersuinissamut malittarisassat,
- sanaartornissamut piareersaanermut ataatsimoorussatullu ingerlatsivinnut allanut pilersitsinissamut aamma attaviliinissamut aamma akiliinissamut pisussaataitanermut malittarisassat,
- immikkoortortami mingutsitsisumik ingerlatsisoqannginnissaanut malittarisassat, aamma
- sanaartoreernerit assigisaasalu naammassinerini nunaminertanik iluarsaasseqqinnissamut ivinnillu naatitsinissamut pisussaataitanermut malittarisassat.

§2. Immikkoortortap killinga

2.1. Illoqarfiup ilaanut pilersaarutip immikkoortortaa nunap assingani 1-imi takutinneqartutut killilersorneqarpoq.

§3. Immikkoortortap atorineqarnera

3.1. Immikkoortortaq taamaallaat qitiusoqarfimmi ingerlatsivinnut, assigiinngiiaartunik najugassianut aamma inunnut tunitsiviginnittussatut inuutissarsiutitigut siunertaqartunut ilusilikkanut atorineqaaqusaavoq.

3.2. Illoqqaaneq taamaallaat illut iluini imaluunniit nunaminertani immikkut ilusilikkani aamma assersugaasuni pisinnaavoq.

3.3. Immikkoortortap teknikkikkut pilersorneqarneranut ingerlatsivinnik sanaartortoqarsinnaavoq, piumasarineqarporli ingerlatsiviit taakku sapinngisamik immikkoortortami illut sanaat ilusaannut naleqqussarneqarnissaat.

3.4. Ingerlatsivinnik Avatangiisit illersornissaat pillugit Inatsisartut peqqussutaat nr. 12, 22. december 1988-imeersoq, kingusinnerusukut Inatsisartut peqqussutaat nr. 7, 13. maj 1993-imeersukut allanngortinneqartup (ingerlatsiviit annertuumik mingutsitsisut) kapitalianut 5-imut atasunik sanaartortoqaaqusaanngilaq.

§4. Sanaartorneq

4.1. Sanaartukkat nutaat tunngaviatigut taamaallaat nunap assingani 1-imi sanaartorfissatut takutitat iluini inissinneqaaqusaapput.

4.2. Sanaartukkat nutaat annertunerpaamik qaleriinnik marlunnik portussusilerlugit qaliata initaanik atugassaannigsulerlugit sanaartorneqassapput, Kaaleraq Poulsenip Aqqusernata kujataaniittut sanaartukkat nutaat eqqaassanngikkaanni. Tamaani sanaartukkat nutaat qaleriit pingasut tikillugit, qaliata initaanik atugassaannigsulerlugit sanaartorneqarsinnaapput.

4.3. Illut tunngavii pisariaqanngitsumik annerusumik portussusilerneqassanngillat, tassa tunngaviup minnerpaamik portussusaa nunatamit 0,5 meterit sinnerlugit portussuseqassanngilaq. Nunaminertamik inniminniinermi tunngaviit annertunerpaamik portussusissaat pillugit erseqqinnerusumik piumasaqaatit saqqummiunneqassapput.

§5. Sanaartukkat silatimikkut isikkui

5.1. Sanaartukkat nutaat illut ilusaat, atortussanik aalajangiinerit qalipaattillu eqqarsaatigalugit illuliatut titartarnerini ataatsimoortillugit ataqatigiissunngortinneqassapput. Taamaattorli aalajangersimasumik sanaartugassatut kissaatigisani Kommunalbestyrelsep isummiussinermigut tamatuminnga sanioqqutitsisinnaavoq kissaatigisatut aqqissuussiniarnerup immikkoortortamik immikkut ittumik pitsaassutsinik ilanngussaqaarsinnaanera uppersarsarneqarsinnaappat.

5.2. Nutaanik sanaartornermut atatillugu atortussanik aamma qalipaatinik aalajangiinerit nunaminertamik inniminniinermut atatillugu akuersissutigineqassaaq, tassani taamaallaat silatimi iikkat qisunnik qallikkat qalipanneqarsimasut aammalu qaliaq qernertumik pappimik qallerneqarsimasoq atorneqaqqusaaneri aallaavigineqassallutik. Taamaallutik silatsimi iikkani imaluunniit qaliani atortussiat qinngornernik siaruaasut imaluunniit saviminernik qalliissutissiat atorneqaqqusaanngillat. Taamaattorli sanaartugassatut kissaatigisami aalajangersimasumi Kommunalbestyrelsep isummiussinermigut tamatuminnga sanioqqutitsisinnaavoq kissaatigisatut aqqissuussiniarnerup immikkoortortamik immikkut ittumik pitsaassutsinik ilanngussaqaarsinnaanera uppersarsarneqarsinnaappat.

5.3. Pisiniarfimmut assigisaanullu igalaat assersorneqaqqusaanngillat imaluunniit pequtininik illup iluaniit asserneqassanngillat.

5.4. Iisarnaqutsiussat ussassaarutilluunniit illuliatut titartakkat ilusaannut naleqqersarneqassapput taamaallaallu Kommunalbestyrelsep akuerseqqaarneratigut ivertinneqarsinnaapput.

5.5. Iisarnaqutsiussanik, ussassaarutininik assigisaannillu ivertitsinerugallarnerit matusarfiit nalaanni peerneqassapput.

§6. Aqqusernit aamma pisuinnaat aqqutaat, kiisalu biilnut inissiiviit

6.1. Kussangajannguaq aamma Fredericiap Aqqutaa atuarlugit sanaartorfissaq, soorlu nunap assinga 1-imi takutinneqartutut peqqussutigineqarpoq.

6.2. Nunap assinga 1-imi takutinneqartutut tunngaviatigut nunaminertaq aqqusinernut attaviliisunut aamma biilnut inissiisarfinnut inniminnerneqarpoq.

6.3. Nunaminertap inniminnigaasup iluani imaluunniit eqqannguani nunaminertamik inniminniinermi pisariaqartitatut biilnut inissiisarfiit sanaartorneqarsinnaapput.

6.4. Aallaaviusutut illunut pingasunut biilnut inissiisarfik minnerpaamik ataaseq aammalu inuutissarsiuteqarfimmut 150 m²-mut biilnut inissiisarfik ataaseq sanaartorneqassapput.

6.5. Aqqusinernik, pisuinnaat aqqutaannik, biilnut inissiisarfinnik aammalu nunaminertanik ataatsimoorussanik qullilersuineq qullernik napparussuarniittunik pinnagu naleqqussuussamik pissaaq.

§7. Nunaminertat sanaartorfiunngitsut

7.1. Nunaminertat sanaartorfiunngitsut isumannaarsorneqassapput torersumillu isikkoqartinneqassallutik imaluunniit nunaannartut iluseqartinneqassapput.

7.2. Nunaminertat sanaartorfiunngitsut ilioqqaavittut atorneqassanngillat.

7.3. Illumik piginnittup illup eqqaani nunaminertap saligaatsuutinnissaanut pisussaataitaavoq.

7.4. Nunaminertat sanaartorfiunngitsut sanaartornerni aamma qaartiterinerni sapinngisamik aserfallatsinnaveersarneqassapput.

7.5. Nunaminertat sanaartorfiunngitsut qaanni naasortat imaluunniit qaavi sanaartornikkut assigisaa-tigulluunniit aserfallanneqartut aaqqissuuteqqinneqassapput aammalu ivinnik naatitsivigineqassallutik, aammattaaq sanaartoreernerup kingorna ujaqqat qaartiterinermi siammarsimasut peerneqassallutik.

§8. Kussinniorneq teknikkikkullu ingerlatsiviit

8.1. Sanaartukkat pisortat imeqarfiliaannut aamma kussineqarfiliaannut attavilerneqassapput.

8.2. Ledningeqarfiit aningaasassaqaarneq aammalu nunatap ilusaa najoqqutaralugit pingaarnertullugu saqqumisinnagit ivertiterneqassapput.

8.3. Nunap qaani imeq, tassunga ilanngullugu imeq qaliamit pisoq kussinermut imaluunniit nunap ilusaa atuarlugu kuuffiusinnaasumut ingerlatinneqassaaq, sanilerisani illunut, aqqusinernut, nunaminertanut sanaartorfiunngitsunut il.il. ajornartorsiortitsinnginniassammat.

8.4. Illuni manissortani antennenet igaasat (parabolantennenet) iverteqqusaanngillat.

§9. Sanaartornissamut piareersaaneq aammalu akiliutissatut piumasaqaatit

9.1. Nunaminertamik inniminniinermut atatillugu malittarisassat atuuttut najoqqutaralugit sanaartornissamut piareersaanermut akiliutissaq akilerneqassaaq. Sanaartornermut piareersaaneq tassaavoq kommuneq immikkoortortap teknikkikkut pilersorfiinik sanaartornermut, kiisalu ataatsimoorussatut ingerlatsivinnut allanut, tassunga ilanngullugu sumiiffinni aqqusinniornermut, biilnut inissiivinnut aammalu nunaminertanut ataatsimoorussanut aningaasartuutai.

§10. Sanaartukkanik nutaanik atuilernissamut piumasaqaatit

10.1. Sanaartukkat nutaat piumasaqaatit makku naammassitinnagit atorineqarsinnaanngillat:

- Biilnut inissiisarfii pisariaqartitat sanaartorneqarsimassapput, §6.4 inners.
- Nunap qaani sanaartukkat naggataarutigalugit suliassat suliarineqarsimassapput, §7.5 inners.
- Pisortat pilersuiviinut attaviliineq isumannaarsimassaaq, §8.1 inners.
- Sanaartornissamut piareersaanermut akiliutissat akilerneqarsimassapput, §9.1 inners.

§11. Illoqarfiup ilaanut pilersaarutit pisoqqat atorunnaarsinneri

11.1. Illoqarfiup ilaanut pilersaarutit matuma atorineqalerneratigut "Illoqarfiup ilaanut pilersaarut A-13" Ilulissat Kommunalbestyrelseata 18.08.1987-imi akuerisimasaa atorunnaarsinneqassaaq.

AKUERSISSUTIGINERA

"ILLOQARFIUP ILAANUT PILERSAARUT NR. 12 - KUSSANGAJANNGUUP EQQAANI QITIUSOQARFIUP C-8-P ILAA"-nut siunnersuut tamanut saqqummiussassanngorlugu Ilulissat Kommunalbestyrelseanit 09.04.03.2003-mi akuersissutigineqarpoq.

Borgmesteri Anthon Frederiksen

Kommuneingeniøri Anders Eistrup-Jensen